



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

4. Illis, qui onus matrimonij abijcere conantur, sanctiorem virginum ac viduarum statum reclamare.

urn:nbn:de:hbz:466:1-45686

Quæ eam placuit ob causam disputare, quia haud exiguis est numerus heterodoxorum, non solum veteranum, ut sunt Gnostici, Aériani, Messaliani, Iouianistæ, Vigilantiani, Be-guardi, Waldenses, &c. sed etiam recentiores, qui è Caluinâ Lutherique schola prodierunt: & magnis vocibus declamitant, tam latè præceptum matrimonij ineundi patere, ut coniugium omnibus imperatum necessariumque esse doceant; immo ut non solum possint, sed etiam in conscientia arctissimè obstringantur omnes Canonici, omnes Clerici, omnes Moniales, omnes Monachi, omnes Religiosi ad statum coniugij amplectendum; quoquæ perpetuæ continentia voto se ligarint.

Verum profecto est, ait Lutherus, eum lenonem esse oportere, qui matrimonium fugiat: & qui aliter eveniret? ait. Quo dogmate non solum magnam inferunt cladem yoto castitatis, sed etiam nimis grauem iniiciunt nupiarum adornandarum necessitatem. Exstat, apud Gratianum canon Concilij Toletani, III. aduersus eos, qui virgines à proposito continentiae impedire, eisque maritos obtrudere nitebantur. Eo canone cauetur, ne qua virgo, extra suam voluntatem, cogatur nubere, statumque relinquare perfectiorem. Siquidem Apostolus virginem cum coniugata comparans ait: Et mulier innupta, & virgo cogitat, quæ Dominisunt, quomodo placeat Deo, ut sit sancta corpore & spiritu. Ex mente igitur Pauli, virgo placet Deo, aliquo modo, quo non placet coniugata; & sancta est virgo, aliquo modo, quo coniugata non est sancta. Siquidem qui, aut quæ nupijs implicantur, cogitant quæ mundi sunt, quo modo placeant vxori, aut marito: eaque propter, non possunt Deo placere, eo gradu perfectionis, quo placere potest virgo. Igitur & qui matrimonio iungit virginem suam, bene facit: & qui non iungit, melius facit. Dicat aliqua, ait S. Hieronymus: Et andes nupijs detrahere, quæ à Deo benedicta sunt? Non est detrahere nupijs, cùm illis virginitas antefertur. Nemo malum bono comparat. Bonum est coniugium: melior virginitas. Qui melius eligit, bonum non contemnit. Non contempsit, in Sicilia matrimonium S. Nympha Panormitana, quando virginitatem connubio prætulit, atque ob id sertum lilijs rosisque contextum, ab Angelo, accepit.

M m 3

Neque

IV.

Caluin. in
Harmon.
Matth. 19. 10.
seq. Luther.
tom. 5. in ser.
de matrim.
quem Anno
1521. de ma-
trim. habuit.
Canon. Hoc
sancti 32. q. 2.

1. Cor. 7. 34.

1. Cor. 7. 38.

S. Hieronym.
ep. 22. ad Eu-
stochium.

Baron. in
Martyrol. 10.
Nouemb.